

真主固

宗訪於萬載福民庶之三登永戰于戈同承
富壽者也至於後天之莽無疆之祚金枝之
遠蒼生之賜不其宜哉觀一代之能事者百
王之末書謹直筆以記之時天聖二年甲子
歲四月戊午朔二十三日庚辰記

章獻明肅皇后受上清畢法錄記

華蓋山三仙事實序

孝三

仙道自古尚矣而世之紀錄或不得其詳
焉間因其微而病其著一斥之以眇茫惟
誕者有之又孰知其靈蹤異跡昭赫彰著
信有不可揜焉耳其可均謂之誣哉撫之
崇仁華蓋山又曰寶蓋山浮丘王郭三真
之祠也浮丘者與容成子黃帝遊周末授
靈王太子晉漢授詩於申公與楚元王友
度王褒以仙即古浮丘公也或傳王方平
云郭乃王氏族因託邑尹姓猶未之詳然
以代稽之至人神化因時而顯固或然矣
而託姓之說亦鄙諺不足取也迨晉元康
間王郭始師事公永平二年二月一日二
仙上升則是山由晉始著稱矣按紫清白
真人云公生於商仕於周隱於漢化於晉
至隋開皇間高留已陵華蓋山也宋元累
旌以封謚若山之曰華林山衡州小廬山
潭州浮丘山江陵之寶蓋山歙縣宣州太
平州金華俱有黃山皆三仙遺跡也當是
時名卿鉅夫若顏魯公李宗諤李冲元吳

文正虞文靖輩之記審矣而廣錄所載凡
早湯疾疫橋桐榮檜之應在在有之故所
奉祠宇亦不下百餘是豈非至神無方而
能然乎余少慕靈跡洪武己巳獲謁祠焉
壬申奉

旨降香于山皆有異徵暨配孔氏累疾叩輒
應永樂甲申秋復謁夜夢白衣仙坐臥內
翌日登峯頂初雨晝息天燈夜現山麓九
月朔日竣事畢紫玄洞現圓光大如室芒
彩輝煌若仙居其中予再拜遂辭殆還感
至德之神亟欲叙其異焉噫是非目覩耳
濡其能盡信之哉且夫真仙神化蓋不世
出其靈質仙風皆天真法慧所至故其神
麻靈既垂澤萬世而不泯其亦宜矣而茲
山宮秀卓絕迥出遊氛浮埃之表孰無雲
辨霞躡往來陟降於其間也其可失所紀
歟惜先後所述多庸鄙弗典願飾而未遑
今年夏蒙
旨纂修道典謹以是錄正而附之因叙其實
於首使千萬載之下知慕夫仙者庶不以

眇茫惟誕視也乎而生民蒙惠之大昭之國祀與茲山齊久不其偉歟時永樂五年端陽節正一嗣教道合無為闡祖光範真人領道教事四十三代天師張宇初齋沐謹序

死而有靈之謂神長生不死之謂仙道不同也神往往能禦災患生民仙志在修鍊飛升而已鮮有推德以及人者惟華蓋三仙則不然禱雨雨應禱疾疾瘳求嗣而得嗣求藥而得藥四方之人蒙福者衆此所以羣然傾心而起敬也歟觀顏魯公碑載本末甚詳但稱晉元康三年二月一日二仙上升攷之晉史無所謂元康有求康而已豈公筆誤邪因識其疑以俟知者景定辛酉九月朔崇禧散吏約山朱煥敬書

稟造化而生者人也妙造化而運者神也峙然為造化之重鎮者山也山以神而靈人以神而安神居其山人崇其神而能敬其山此理勢之然也撫州華山三峯登雲為紅右絕嶺乃呼丘王郭三真君飛升得道之

所固有旱澇則禱之民有疾疫則求之危可轉而安禍可轉而福叩心一萌其應如響終歲朝謁不絕於秋尤甚景定庚子九月朔旦祥借里人王克明羽衣郭守成詣山朝拜忽覩殿宇輪奐一新裝嚴壯麗乃夜醮于壇事畢觀當山住持延茶語話議論清麗爽氣逼人待人接物禮貌溫如且無嗜利之心真神仙地位中人從而詢之乃陳其姓元應其名顯者其字荆山其號也且言往來江湖已二百四十甲子矣蔣山金壇黃鶴關元玉筭承天南嶽壽寧華林壽聖平江乾元皆嘗為之領袖祥笑而詰之曰捨彼瑤宮瓊宇而居此參天之山頂去清華而然寂寞得無慕道若王郭之慕呼丘者乎荆山肅容儀之過矣予宣敢當姑舍是但弔於仙真有請於予為三真之棟宇聲飛矣三仙之像貌裝嚴矣但缺實錄昔亦有之歲在戊午天帝炳靈克為灰燼今不復存子能為山問錢祥乎祥等夙蒙仙惠聞言而悅連諾其請翌日與王

元再姓辦香敬對三真誓刊此錄洎歸徧求其本始得道士黃彌堅所纂者紀載頗略備述三真受累朝之封命歷代名公之序記修鍊升舉之顯末靈顯感應之實跡視黃本差詳而互有得失祥等不愧愚庸集二本所長列為一十四卷未敢校正其是非姑存本以俟知者雖然華山乃江南重鎮三真乃華山靈神福澤於人多矣必有民中之秀出校正其是非儻改而正請不亦宜乎時景定辛酉貞元節廬陵佩錄

弟子劉祥王克明百拜齋沐謹言

呼丘公事跡多見於傳記諸書故學者類能言之惟王郭二真之仙道非顏魯公及李冲元採摭其行實紀載其本末則知之不能悉也觀其服膺師訓跋履山川不憚險遠積功累行愈顯愈微此老子所謂為道日損損之又損以至於無為之謂歟吁神仙之學豈易至哉夫何吾黨之士學夫子之學而鮮克臻其域者果能以二真之學移以學吾夫子之學有不至其至者哉

是足以為吾儒之勸也惜乎刊板毀於壬辰兵亂人鮮克聞主茲山之祠者江碧澄氏營構殿宇寮宇既畢復慨念茲山靈鑿若此而事實將遂湮微是不可不急也乃購求全集較其殘缺勸率好道之士合力繡梓以廣其傳有德容孔氏者玄妙觀之管轄也為督其事又得在城沙氏友和者捐資以足其美於是不數月而功畢仙之德澤濟人之多而感人之深如此也俾余為序余四世祖綠峯兄弟起廢玉庭觀而新三真及眾聖之像復架屋臨紫玄之崖以為隱息之所雖經劫火而至今名舊張家寮焉其忠厚不沒人善有自來矣今得聯名仙籍斯幸矣又何辭夫碧澄真質溫純待眾以寬不汲汲於利惟以營造修葺為務每曰此吾輩分內事也使居是山者人人能如碧澄之用心勤力以奉祠祀則茲山之興復也不難矣碧澄字源遠今四十三代天師至山嘉其年少而克守清規撫景賦詩若干首俾收之賜以職別為改

今名云此亦茲山之盛事也故併及之青龍在辛未歲夏五月南村鄉友張顏序



華蓋山浮丘王郭三真君事實卷之一

玉笥山道士沈庭瑞述

按太平御覽云歙縣西北有黃山高一千一百八十四仞豐洛水出焉天寶六年勅改北黟山其山有摩天扈日之高霞城洞室巖竇瀑泉無峯不有山中峯乃浮丘公仙壇彩霞靈禽棲止其上世傳黃帝嘗命駕與容成子浮丘公同遊會于此昔有人到壇所忽見樓臺煥然樓前有蓮池左右有積鹽積米遂歸引人取之了不知處山下時聞山上仙樂之聲又按九域志云宣州亦有黃山乃黃帝與浮丘仙人鍊丹於此浮丘仙壇正在天都峯太平州亦有黃山一名浮丘山乃浮丘養仙雞之所

浮丘公度周靈王太子王子晉

王君名晉字子喬亦名喬字子晉周靈王太子也生而神異幼而好道雖燕居宮中往往不食端默之際累有神仙降之雖左右之人弗知也常好吹笙作鸞鳳之音聲實行雲響滿宮掖白鸞延頸鼓翼集而聽之奇禽異鳥